

NKANDA WANTETE WA MOSE VO NGENESI¹

KAPU 1

Nsemono azulu ye ntoto.

1 Muna mbadukulu Nzambi wase-ma zulu ye ntoto.

Nk. 33: 6. 90: 2. 104: 2. 136: 5. Yoa. 1: 3.
Kol. 1: 16. Eb. 11: 3.

2 Ntoto wakala wavombila ye wan-katu, tombe kiakala va luse luansi-na, ye Mpeve a Nzambi yavevila va ntandu aminlangu.

3 Nzambi wavova : Bika kia kwakala ; kia kwakala. ² Kol. 4: 6.

4 Nzambi wamona vo kia kwakala kwambote ; Nzambi wavambisa kia ye tombe.

5 Nzambi wabika nkumbu akia mwini, wabika nkumbu atombe fuku. Nkokila yakala, ye nsuka wakala, i lumbu kiantete.

6 ¶ Nzambi wavova : Bika luya-lungunu luakala va kati diaminlangu, ye bika luavambisa minlangu ye minlangu. ^{Yel. 10: 12. 51: 15.}

7 Nzambi wavanga luyalungunu, wavambisa nlangu miakala ku nsi alu-yalungunu mu nlangu miakala ku ntandu aluyalungunu ; bwakala bobo.

Yes. 40: 22. 42: 5. 44: 24.

8 Nzambi wabika nkumbu aluya-lungunu zulu. Nkokila yakala, ye nsuka wakala, i lumbu kianzole.

9 ¶ Nzambi wavova : Bika niangu mienia ku nsi azulu miakutakana va vuma kiavanguka ; bika nsi yayuma yamonika ; bwakala bobo. Nk. 33: 7.

10 Nzambi wabika nkumbu ansi yayuma ntoto, wabika nkumbu alukutukunu luaminlangu mimbu. Nzambi wamona vo bwambote.

11 Nzambi wavova : Bika ntoto wa-bututa bititi, titi bibutanga mingidi, nti miandia mibutanga mbetu bonso bwenina makanda manti mienia mi-ningidi mu miau kibeni va ntoto ; bwakala bobo.

12 Ntoto wabuta bititi, titi bibuta-

nga mingidi, bonso bwenina makanda mabiau, ye nti mibutanga mbetu mienia mingidi mu miau kibeni, bonso bwenina makanda mamiau. Nzambi wamona vo bwambote.

13 Nkokila yakala, ye nsuka wakala, i lumbu kiantatu.

14 ¶ Nzambi wavova : Bika kia kwakala mu luyalungunu luazulu mu vambisa mwini ye fuku, ye bika kwau kwakala dimbu biansungi ye bialu-mbu ye biamvu ; ^{Yel. 31: 35.}

15 bika kwau kwakala kia mu luyalungunu luazulu mu kienzudila ntoto ; bwakala bobo.

16 Nzambi wavanga kia kole kwakunene ; kia kulutidi mu nene mu yala mwini, ye kia kulutidi mu ke mu yala fuku ; wavanga zimbwetete mpe.

17 Nzambi watula bio mu luyalungunu luazulu mu kienzudila ntoto

18 ye mu yala mwini ye fuku ye mu vambisa kia ye tombe. Nzambi wa-mona vo bwambote.

19 Nkokila yakala, ye nsuka wakala, i lumbu kiania.

20 ¶ Nzambi wavova : Bika nlangu miazala kwa lekwa biabingi biena moyo ; bika nuni zatilumuka va ntandu antoto ku nsi aluyalungunu luazulu.

21 Nzambi wasema mbizi zazinene zambu ye biabio biena moyo biki-banga ye bifunananga beni mu minlangu, bonso bwenina makanda mau, ye nuni zazo zena maveve, bonso bwenina makanda mau. Nzambi wamona vo bwambote.

22 Nzambi wasakumuna bio, wa-vova : Lukala lubutu, lufunana ye lufuluza nlangu miambu ; bika nuni zanieka va ntoto. ^{1 Mose 8: 17.}

23 Nkokila yakala, ye nsuka wa-kala, i lumbu kiantanu.

24 ¶ Nzambi wavova : Bika ntoto wa-bututa bulu biena moyo, bonso bwenina makanda mau : biatoluka,

¹ mbangudulu: Nkand'a Tuku (kiatukila lekwa biabio).

bizanzalanga ye biamfinda, bonso bwenina makanda mau; bwakala bobo.

25 Nzambi wavanga bulu biamfinda, bonso bwenina makanda mau, biatoluka, bonso bwenina makanda mau, biabio bizanzalanga va nsi, bonso bwenina makanda mau. Nzambi wamona vo bwambote.

26 Nzambi wavova: Bika tuavanga bantu mu kifwani kieto, mpasi bafwanana ye beto, bika bayala mbizi zambu, nuni zazulu, bulu biatoluka, ntotowamvimbba ye biabio bianzanzala bizanzalanga va ntoto.

Nk. 8: 5. Eb. 2: 7.

27 Nzambi wasema muntu mu kifwani kiandi, mu kifwani kia Nzambi kansema. Yandi wabasema bakala ye nkento.

i Mose 9: 6. Ef. 4: 24. Kolo. 3: 10.

28 Nzambi wabasakumuna; Nzambi wavova kwa bau: Lubutana, lufunana, lufuluza ntoto ye luyala wo, luyala mbizi zambu, nuni zazulu ye bulu biabio bikibanga va ntoto.

29 Nzambi wavova: Tala, mono iluveni titi biabio biena mingidi biena va ntoto wamvimba ye nti miamiccio mibutanga mbetu mienamengidi; biobio i madia meno. i Mose 9: 3.

30 Kwa bulu biabio va ntoto, kwa nuni zazo zazulu ye biabio bikibanga va ntoto biena mwela wamoyo, kwa biau mpeni titi biabio biankunzu mu dia. Bwakala bobo. Yes. 11: 6.

31 Nzambi watala biabio bikavanga, ye tala, biakala biambote beni. Nkokila yakala, ye nsuka wakala, i lumbu kiansambanu.

KAPU 2

1. Lumbu kiansambodia. 8. Lumbu lua Edeni.

18. Mpangulu ankento.

1 I bobo bwamana vangulwa zulu ye ntoto ye nkangu au wawo.

2 Mu lumbu kiansambodia Nzambi wamanisa mavanga mandi makavanga; yandi wavunda kiansambodia mu mavanga mandi mamo makavanga.

2 Mose 20: 11. 31: 17. 5 Mose 5: 14.

Eb. 4: 4.

3 Nzambi wasakumuna lumbu kiansambodia, wabieka kio, bu kavundila kio mu mavanga mandi mamo makasema ye vanga.

4 ¶ Nsamu wowo i wambadukulu amazulu ye ntoto, bu biasemwa mu

lumbu kiavanga Yave Nzambi ntoto ye mazulu.

5 Buna va ntoto ka vakikadila nti nkutu ko, ye titi ka biakimenina mu nsi ko, kadi Yave Nzambi kakinkisina mvula va ntoto ko, ye ka vakala muntu mu sadila ntoto ko.

6 Kansi mu ntoto mwatuka mbungi watombuka ye wanoka va ntoto wamvimba.

7 Yave Nzambi wavanga muntu mu mfumfuta zantoto, wavela mwela wamoyo mu mbombo andi, ye muntu wayika mwela wamoyo.

i Kol. 15: 45, 47.

8 Yave Nzambi wakuna lumbu¹ mu Edeni mu ntini yaeste, ye muna katula muntu ukavanga.

9 Yave Nzambi wamenisa nti miampila zazo mu ntoto, miantoko mu tala ye miambote mu dia, ye nti wamoyo mu kati dialumbu ye nti waluzailu luabiambote ye biambi.

10 Mu Edeni mwavaikila nzadi yavana nlangu mu lumbu, tuka muna yau yakabana mu nzadi ziia.

11 Yantete yena nkumbu Pisoni; yoyo yizunganga nsi yamvimba ya Havila yena wola.

12 Wola wansi yinā wena wambote, muna mwena bedelumi ye tadi diaonisi.

13 Nzadi yanzole yena nkumbu Ngihoni; yoyo yizunganga nsi yamvimba ya Kusi.

14 Nzadi yantatu yena nkumbu Hidekeli; yoyo yikwendanga ku este dia Asilia. Nzadi yania i Eufalata.

15 Yave Nzambi wabonga bakala, wantula mu lumbu lua Edeni, mpasi kasadila lo ye keba lo.

16 Yave Nzambi wakamba bakala, wavova: Ngeye lenda dia mbetu miawonso wonso nti mu lumbu,

17 kansi mbetu manti waluzailu luabiambote ye biambi, kudiani mio ko, kadi lumbu kiuna mio dia, fwa si wafwa.

18 ¶ Yave Nzambi wavova: Ka bufweni kwa bakala mu kala kinsona ko, ngina kumvangila nsadisi ufwanane ye yandi.

Mpovi 4: 9.

19 Mu ntoto Yave Nzambi wavangila bulu biabio biansi ye nuni zazo zazulu, ye yandi wanata bio kwa bakala mu tala bonso bukana bio vana nkumbu. Yonso nkumbu yavana bakala kwa bulu bulu kienamoyo, yoyo i nkumbu abulu.

¹ bonde, voka.

20 Bakala diavana zinkumbu kwa bulu biabio biatoluka ye kwa nuni zazo zazulu ye bulu biabio biansi. Kansi kwa Adami ka kwamonika nsadisi ufwanane kwa yandi ko.

21 Yave Nzambi wabwisa bakala tulu tuangolo ye, bu kaleka, wabonga visi kialubanzi ye wavingisa nsuni vakala visi.

22 Yave Nzambi wavanga nkento mu visi kialubanzi kikabonga mu bakala, wannata kwa bakala.

¹ Kol. 11: 8. ¹ Tim. 2: 13.

23 Bakala diavova : Keti yandi i visi kiavisi biami ye nsuni ansuni ami. Yandi una bikwa nkento, kadi wabongolo mu bakala.

24 I bila bakala si kasisa s'andi ye ngudi andi ye tatamana ye nkazi andi, ye bau bana kala nsuni umosi.

¹ Mat. 19: 5. ¹ Mal. 10: 7. Ef. 5: 31.

25 Kansi bakala ye nkazi andi bakondwa nlele bau bole, ye ka bamona nsoni ko.

KAPU 3

¹ Adami ye Eva bavola masumu. ⁸ Basembwa kwa Nzambi.

1 Kansi nioka yalutila bunkita mu bulu biabio biansi biavanga Yave Nzambi, ye yau yavova kwa nkento : Kamba, Nzambi wavovole vo : Beno ka luna dia mbetu mianti miamio mu lumbu ko? ^{Yoa. 8: 44.}

2 Nkento wavutula kwa nioka : Beto tudianga mbetu mianti mienia mu lumbu,

3 kansi mu mbetu mianti wena muna kati dialumbu` Nzambi wavovole : Beno ka luna mio dia nkutu ko ye ka luna mio simba ko, ka luidi fwa.

4 Buna nioka yavova kwa nkento : Ka luna fwa nkutu ko;

5 kansi Nzambi zeyi vo kionso lumbu kiluna mio dia meso meno mana zibuka, ye luna kala bonso Nzambi mu zaya mambote ye mambi.

6 Nkento wamona vo nti wakala wambote mu dia, wantoko mu tala ye wazolakana mu vana nduka ; yandi wabonga wo mbetu, wadia wo, wavana mpe kwa bakala diandi diakala yandi, ye yandi wadia wo.

² Kol. 11: 3. ¹ Tim. 2: 14.

7 Buna meso mabau bole mazibuka ye bamona vo ka bakala ye nlele ko ; batunga makaya makuyu mabakivangila nlele mialuketo.

8 Bau bawa nding'a Yave Nzambi

wazieta mu lumbu mu ntangu ankakila. Bakala ye nkazi andi baswama zizi kia Nzambi va kati ye nti mia-lumbu.

9 ¶ Kansi Yave Nzambi wabokila bakala, wavova kwa yandi : Kwe wena?

10 Yandi watambudila : Mono Agwi-
lu nding'aku mu lumbu ye ntinini, bu nkondolo nlele, i diau nswemi.

11 Buna yandi wavova : Nani ukuzai-
kisi vo kwena nlele ko? Didi kwaku mbetu anti uyakukembi, vo kuna wo dia ko?

12 Bakala diavutula : Nkento uwam-
peni mu kala yami umpeni mbetu
anti, ye ndidi wo.

13 Buna Yave Nzambi wavova kwa
nkento : Nki adiambu diodio diuvengi? Nkento wavutula : Nioka yim-
punini, ye ndidi wo.

14 Buna Yave Nzambi wavova kwa
nioka : Bu usidi bobo, singwa una
singwa mu bulu biabio, bulu biatolu-
ka ye biamfinda ; ngeye una diatila
mu vumu kiaku ye una dia mfum-
futa zantoto lumbu biabio biazingu
kiaku.

15 Mono ngina tula kitantu va kati
ye ngeye ye nkento, va kati ye
nkun'aku ye nkun'andi. Yandi una
kosikisa ntu aku, ye ngeye una
kunta mu kinkoso kiatambi kiandi.

Loma 16: 20. Eb. 2: 14. ¹ Yoa. 3: 8.

16 Yandi wavova kwa nkento : Mo-
no ngina kumwesa miangala miango-
lo, bu wena ye vumu ; una buta bana
baku mu nsongo. Kansi luzolo luaku
luna kala kwa bakala diaku, ye
yandi una kuyala.

Ef 5: 22.

17 Yandi wavova kwa Adami : Bu
udimbidi mambu mankazi aku ye
didi mbetu anti uyakukanikini : Kuna
wo dia nkutu ko, i kuma ntoto una
singwa mu diambu diaku. Ngeye
una wo yundukila mu mpasi lumbu
biabio biazingu kiaku. ¹ Loma 8: 20.

18 Wau una kubutila mpanga ye nso-
lokoto, ye ngeye una dia titi biansi.

19 Una dia madia maku mu kiufuta
kiazizi kiaku nate ye una yutuka mu
ntoto uwabongwa. Kadi ngeye u fu-
ndu-fundu, una yutuka kala fundu-
fundu.

Nk. 9e: 3. 104: 29. Mpovi 3: 20. 12: 7.

Loma 5: 12.

20 Bakala diabika nkumbu ankazi
andi Eva,¹ bu kena mbuti ababo
bena moyo.

¹ mb. mvani amoyo.

21 Yave Nzambi wavangila Adami ye nkazi andi mwatu miankanda miabulu, wabavwika.

22 ¶ Yave Nzambi wavova : Tala, muntu weka bonso umosi mu beto ye zeyi mambote ye mambi. Bwabu bika tuankakidila, mpasi kalambula koko kwandi ko ye bonga mu nti wamoyo mpe ye dia ye zinga mu ntangu yi ka yimani.

23 I kuma Yave Nzambi wamvaikisa mu lumbu lua Edeni, mpasi kasadila ntoto ukabongwa.

24 Yandi wavaikisa muntu, watula ku este dialumbu lua Edeni bakeluba ye sabala kieti lema, kisiukanga mwamonso mu kenga nzil'anti wamoyo. Yel. 46: 10. Yeh. 1: 4. 10: 1.

Congo
kiKongo
Bible
1992
Westlind
UBS
[England]
B208237

LA BIBLE EN KIKONGO
BUÉNDE ON FIORI

UBS-EPF 1992-4.5M-052

ISBN 9966 843 66 3